



靈峰萬益大師宗論

上册

灵峰蕡益大师宗论目录(上)

卷首 灵峰蕡益大师宗论序	1
灵峰蕡益大师宗论序说	5
灵峰蕡益大师自传	11
八不道人传	12
附记	19
灵峰始日大师私谥窃议	21
第一卷:	
卷一之一 愿文一	25
卷一之二 愿文二	47
卷一之三 愿文三	67
卷一之四 愿文四	83
第二卷:	
卷二之一 法语一	97
卷二之二 法语二	121
卷二之三 法语三	139
卷二之四 法语四	165
卷二之五 法语五	189

目录

第三卷：

卷三之一 答问一	215
卷三之二 答问二	247
卷三之三 答问三	273

第四卷：

卷四之一 普说	305
茶话	314
卷四之二 说	325
文	343
卷四之三 偶录一	347
解	365

第五卷：

卷五之一 书一	369
卷五之二 书二	397
卷五之三 论	421
辩	429
议	434
记	439

灵峰蕡益大师宗论序

佛法无他。谛而已矣。诸佛说法。常依二谛。二谛即三
谛也。即四谛也。即一切谛也。即一谛也。即无谛也。二谛
如此。诸谛亦然。自心本具之法。非思议所行境界。皆不可
说也。然有因缘。亦可得说。以要言之。无可说之谛。无不
可说之谛。如是而已矣。不见此则无教。无教则行无由起。
理无由显。果无由克。如是而言说。皆臆见也。见此。则为
真实觉悟。有教有行理果。如是而言说。皆妙法也。自正像
既远。末世抑何言说之多哉。或见谛未全则杂。中者如摩尼
处瓦砾。不掩其光。不中未免以一言误天下万世。或见谛未
精则执。与之亦成一家言。夺之则无同异中。见同见异。未
免堕分河饮水之覆辙。或见谛未神妙则迹。抑扬建荡。总不
能为人解粘去缚。起必死沉疴。金婢既不在手。言言与目以
明。言言增目之膜。至其下者。博而似杂。实全无所中也。
戏论也。僻而似专。实非专家也。斗诤法也。或蛇为龙。袭
取神妙。非特迹而已也。罔之徒也。昔魔王害佛不得。誓曰。
当于后世。入佛法中。破坏佛法。佛曰。自坏耳。法可坏哉。
由是观之。下者不足论。论其上。若而人自利未入圆门。利

序

他安得无弊。得失恒无端倪。利害潜相倚伏。欲裂大网。令大地众生咸归大处。苟非其人。道不虚行。唯灵峰薄益大师之以言教也。彻悟心性全体。复深入不思议愿轮。一切时一切处。一切事中。悲智双运。解行互融。实无一法可得。故无峻竖之门庭。实无一法不通不备。故无隔垣之音响。其发明三学。一以全性起修。全修在性为宗趣。全性起修。无实非权。全修在性。无权非实。非实非权。而权而实。其独契法身向上。以一人开万古欲绝之学。得非以是欤。尝论之。师之三学。即一大事也。真律真教真禅。适还吾心之律教禅。适还先佛世尊之律教禅。师未曾有一言也。未曾有一言故无杂也。律既为真律。教既为真教。则何同异。何大小。何律之不即教即禅。教之不即律即禅乎。禅既为真禅。则何分佛祖。何有宗支。何禅之不即律即教乎。是故唯精故不执。无非事事无碍法界。无诤三昧也。夫言不神妙。以杂与执也。不杂不执。则不自立宗。不自立宗。则纵横变化。不可方物。是以师之言。尽脱窠臼。顿起膏肓。一归于堂堂正正。如唐虞三代之礼乐。不俟干戈而天下太平也。识者谓末法以来。建大法幢。击大法鼓。其味醇平。其道光明。唯师一人而已。师具开演二智。作广略二说。一四句偈不为少。汗牛充栋不为多。诸疏外稿有七部。今辑为全书。以文为类。原在稿外。

别行者。亦以次收入。按三藏。凡高僧撰述。悉入阿毗昙论藏。而有二种。专释一经者。曰释论。概宗十二部经。自成名句文者。曰宗论。今以释论收灵峰诸疏。而七部稿总以宗论收之。合十大卷。分三十八子卷。呜呼。成时不肖。老人在日。不能实学不思议谛。如醉转屋。今哲人虽逝。遗书尚存。敢不自淑。以报师恩于万一。亦愿凡遇是书者。勿离文字而说解脱。勿即文字而忘真月。但因是见谛。则离即双超。圆契自心则不杂。圆收万法则不执。圆说圆泯则不迹。千百世而后。必有其人。成时愿先舍此身命以供之矣。抑更有虑焉。凡言之揣摹拟议而得者。亦可揣摹拟议而得之。若夫引商刻羽。不涉思议。非从真闻以起思修。则若杂若执若迹之祸。尝伏于揣摹议拟之下而不觉。成时愿与天下万世之遇是书者。由博学审问慎思明辨。以阶于笃行可也。补传后二日。门人成时百拜撰。

序

灵峰蕩益大师宗论序说(有小引)

成时辑 老人七稿成。通序大意。越一日。作序说。其言别。故不入序。不属科。故不立例。凡十五段。

达摩大师惩专逐名相之陋。力为学者明宗。而不立文字一语。遂为昧宗者所执。执之既久。由狂入痴。故永明大师。大开教眼。以明宗镜。至寂音师。且说文字禅。紫柏大师。寂音再来。而憨山师。直颜其全书曰。《紫柏集》。憨集最富未传。紫竹林颠愚师。为憨大师独契。亦自颜其书为《紫竹林集》。诸老惩无闻之祸。救不立文字之弊心良苦矣。窃恐此风既盛。凡沙门稍擅世誉者。皆思以文相炫。夫文盛道亦必衰。试观唐宋儒。多以文字成名号称作者。深为宫墙之辱。可使释子复覆其辙乎。故虽老人别颜七稿。多自称集。今不敢以集行。然亦不敢名为录。何故。今之祖录遍天壤矣。老人每齿及则痛心泣血。故亦不敢也。

昔阳明子在日。有《传习录》。附录数册行世。公薨。出文录外集等。后华亭新建诸公。惧学者弗克尽读也。汇成全书以传。夫作者。非有意行其言也。阅岁月。涉山川。接人物。幻成文势。不得不别。其久也。书不全。道亦不彰。言

序

既散。传必不盛。圣君贤臣。采藏天府。皆无统绪可遵。有会一者。恐失其旧。是故言之始。不得不分。终不得不合。势也。今辑七稿为一。作者海印炳现。读者古镜全收。庶天朝采录。无零落割裂之虞矣。

大卷唯十。避繁也。一一卷中。复开子卷。备梵册也。文以类出。取便耳。非以文体也。见文则味道。因文则明道。达文则证道。证道。而后知文无体也。

不肖戊子岁。始晤大师。师一日顾予曰。吾昔年。念念思复比丘戒法。逐年念念求西方耳。时大骇。何不力复佛世芳规邪。久之。始知师在家发大菩提愿以为之本。出家一意宗乘。径山大悟后。彻见近世禅者之病。在绝无正知见。非在多知见。在不尊重波罗提木叉。非在著戒相也。故抹倒禅之一字。力以戒教匡救。尤志求五比丘。如法共住。令正法重兴。后决不可得。遂一意西驰。冀乘本愿轮。仗诸佛力。再来与拔。至于随时著述。竭力讲演。皆聊与有缘下圆顿种。非法界众生。一时成佛。直下相应。太平无事之初志矣。

佛法有偏痛快。偏精细者。则性快心细之人各偏好之。唯此论快性者。必失粗浅。细心者。必失廉纤。纵高明不敢昧纲宗。不敢轻名相。而纲宗只作纲宗会。名相只作名相会。终为俗学。若能知非纲宗。非名相。而粗浅廉纤二病顿超者。

虽为执鞭。所欣慕焉。

自人不悟圆宗。诸佛愿海无能随顺修学者。不知非真实发大菩提心。一切尽成虚解。纵有为生死志。亦必入小乘权曲境界。若并无此志。直成修罗魔外。何疑。老人一生于法界三宝前。缘法界众生殷勤发愿。今愿文一卷。直显不思议境界。真无上醍醐也。吾见有憎者。谓为繁琐。有赞叹者。读其文惟恐卧。有感动流泪者。然亦未遑直下承当彻悟性修之致。嗟乎。何真法之不易读若此。小子时。敬然臂香四十八炷。普为法界众生。等供安养愿王。乞吾师愿文。于一切世间。大作佛事。愿遇者兴起感触。彻悟诸佛。即自心本性。庶不令一切愿王。久沦于异生界也。

净土一门。真参禅学教持戒者所共趋。夫弥陀寂光。即自心理智。由不悟故。横生邪慢。取笑识者。读宗论。幸彻底荐取。则无边法藏。一以贯之矣。棒打石人头。暴暴论实事。八十翁入场。不是小儿戏。是之谓乎。

学佛僻谬者。皆法外取心。世之本来面目。向上一着是也。计此必成恶取空见。佛目此病。为不可救。《圆觉经》诚取圆觉。《大乘止观》诚先观真如。诸祖深诃邪禅暗证。意皆在此。今论示第一义心。圆妙明快。千古未有。读者谛审谛观。字字从绳。言言破的。或得之。

先师自行。不过破流俗知见。于现前一念。了一切法而已。法语中。亦唯以此剖心胆。倾肠腹。而发明介尔一念。在续集稟余尤详。盖鼓两片皮既久。唯觉此话。大神至明也。虽然。失之亦成话柄。得之不外言诠。吾虽不敢谓有是语。尤不敢谓无是语也。

法语书柬中。诸名公钜卿。遵大师原稿。但书姓氏。概不书尊称。以末法。道则僧体日卑。争务乞灵人爵。俗则我相日重。终难覩破浮云。两者皆生死根株。于道何啻霄壤。若非各懋盛德。安能共扇真风。今唯重道谊。以副护法天龙之望。

儒宗隐覆之说。非深契法华三昧。及华严事事无碍法界。未易拈提。求曲尽同异之致。汇归一实。千百世来。大师一人而已。孔子。颜子。文中子后。阳明子。处隐显闲。薄益子继之。大阐开显之道。缅想时会。应非偶然。今而后庶吾人一实事。会其有极。归其有极也夫。虽然。薄益子云。非行之艰。知之尤艰。敢告。

忠孝至佛始极。不知其极。或以爱论俗典拣之。竟成无君无父。全违金口诚言。或以至德要道收之。又堕有漏有为。全乖出世正轨。一大事之乖张僻谬久矣。读宗论。但贵用极。不贵株守。守则拣。不守则收。子臣弟友。丘未能一。呜呼。

一大事之彰明会一久矣。

先师著述。除宗论外。其释论。则有《阿弥陀要解》一卷。《占察玄疏》三卷。《楞伽义疏》十卷。《盂兰新疏》一卷。《大佛顶玄文》十二卷。《准提持法》一卷。《金刚破空论》附观心释二卷。《心经略解》一卷。《法华会义》十六卷。《妙玄节要》二卷。《法华纶贯》一卷。《斋经科注》一卷。《遗教解》一卷。《梵网合注》八卷。后附《授戒法学戒法梵网忏法问辩》共一卷。《优婆塞戒经受戒品笺要》一卷。《羯磨文释》一卷。《戒本经笺要》一卷。《毗尼集要》十七卷。《大小持戒犍度略释》一卷。《戒消灾经略释》一卷。《五戒相经略解》一卷。《沙弥戒要》一卷。《唯识心要》十卷。《八要直解》八卷。《起信裂网疏》六卷。《大乘止观释要》四卷。《大悲行法辨讹》(一卷)。附《观想偈略释》。《法性观》。《忏坛轨式》三种。《四十二章经解》一卷。《八大人觉经解》一卷。《占察行法》一卷。《礼地藏仪》一卷。《教观纲宗并释义》二卷。《阅藏知津》四十四卷。《法海观澜》五卷。《旃珊瑚录》一卷。《选佛谱》六卷。《重订诸经日诵》二卷。《周易禅解》十卷。《辟邪集》二卷。共四十七种。(板俱在嘉兴府楞严寺)是为灵峰二论目录。(大记明咒行法四书蕡益解未行)

宗论全部。可取其中赞戒者。别为戒波罗密之书。赞净土者。别为秘藏指南之书。或合上二者。别为不昧因果之书。

序

倘能尽美尽善。则有大利而无害。未遑别刻。附记于此。

灵峰蕡益大师自传

(前后有门人私识三则附记一通)

先大师生平。不曾乞缩素一字。不唯佛法难言。知己难得。亦鉴尚虚名之陋习。而身为砥也。西逝时。诫勿乞言。徒增诳误。呜呼。冰操如彼。治命如此。安敢不遵。今刻老人自传一通。述其意于首。门人灵晟稽首。

先师壬辰秋。决志肥遁。缩素遮道不得。请述行脚。冬憩长水营泉寺。念行脚未尽致。复述兹传。癸巳春。过古吴。有老人二三旧友。或谓传既寓名。则宗谱法号可弗出。或谓一生心迹可述。梦感等嫌自言。老人一笑。慨然删改。时从古吴。传至留都。与长水本。数处不同。后坚密子成时。谓传收著述未尽。请补。于是与古吴本。又增数句矣。今同门刻传。命南酌同异。南思老人一生苦心。唯佛祖知之。余难知者。至不获已述传。令后裔有闻。此四宏法门。三祇誓海。可以古人自作别传之例例之也邪。允宜从营泉本。照第三番补遗书。闲字不妨互证。金日善。录定本如左。门人照南稽首。

八不道人传

(老人亲笔评语三处附。○取中论八不。梵网八不之旨。)

八不道人。震旦之逸民也。古者有儒。有禅。有律。有教。道人既蹶然不敢。今亦有儒。有禅。有律。有教。道人又艴然不屑。故名八不也。俗姓钟。名际明。又名声。字振之。先世汴梁人。始祖南渡。居古吴木渎。母金氏。以父岐仲公。持白衣大悲咒十年。梦大士送子而生。盖万历二十七年己亥。五月三日亥时也。七岁茹素。十二岁就外傅。闻圣学。即千古自任。誓灭释老。开禪酒。作论数十篇辟异端。梦与孔颜晤言。十七岁。阅自知录序。及竹窗随笔。乃不谤佛。取所著辟佛论焚之。二十岁。诠论语。至天下归仁。不能下笔。废寝忘餐三昼夜。大悟孔颜心法。冬丧父。闻地藏本愿。发出世心。二十二岁。专志念佛。尽焚窗稿二千余篇。二十三岁。听大佛顶经。谓世界在空。空生大觉。遂疑何故有此大觉。致为空界张本。闷绝无措。但昏散最重。功夫不能成片。因决意出家。体究大事。二十四岁。梦礼憨山大师。哭恨缘悭。相见太晚。师云。此是苦果。应知苦因。语未竟。遽请曰。弟子志求上乘。不愿闻四谛法。师云。且喜居士有

向上志。虽然。不能如黃蘖临济。但可如岩头德山。心又未足。拟再问。触声而醒。因思古人安有高下。梦想妄分别耳。一月中。三梦憨师。师往曹溪。不能远从。乃从雪岭师剃度。命名智旭。雪师。憨翁门人也。夏秋作务云栖。闻古德法师讲《唯识论》。一听了了。疑与佛顶宗旨矛盾。请问。师云。性相二宗。不许和会。甚怪之。佛法岂有二岐邪。一日问古师云。不怕念起。只怕觉迟。且如中阴入胎。念起受生。纵令速觉。如何得脱。师云。汝今入胎也未。道人微笑。师云。入胎了也。道人无语。师云。汝谓只今此身。果从受胎时得来者邪。道人流汗浃背。不能分晓。竟往径山坐禅。次年夏。逼拶功极。身心世界。忽皆消殒。因知此身。从无始来。当处出生。随处灭尽。但是坚固妄想所现之影。刹那刹那。念念不住。的确非从父母生也。从此性相二宗。一齐透彻。知其本无矛盾。但是交光邪说。大误人耳。是时一切经论。一切公案。无不现前。旋自觉悟。解发非为圣证。故绝不语一人。久之则胸次空空。不复留一字脚矣。二十六岁。受菩萨戒。二十七岁。遍阅律藏。方知举世积讹。二十八岁。母病笃。四剖肱不救。痛切肺肝。(既悟此身非父母生。何故又剖肱救母。参。)葬事毕。焚弃笔砚。矢往深山。道友鉴空。留掩关于松陵。关中大病。乃以参禅工夫。求生净土。三十岁。出关朝